



UNIVERSITÄTS-
BIBLIOTHEK
PADERBORN

Universitätsbibliothek Paderborn

Parallela Geographiae Veteris Et Novae

Briet, Philippe

Parisiis, 1648

§. 1. De Eoo.

urn:nbn:de:hbz:466:1-13147

LIBER SEXTVS.

DE MARIBVS.

MARE (à Platone apud Strabonem lib. 7. *πονηροδιδασκαλον*, & ab iis fugiendum qui benè moratam Remp. habere vellent) creditum est ab Antiquis rei literariæ luminibus terram omnem ambire. Ita cecinit Orpheus Eustathio teste: ita Homerus à quo ideò dictum est *ἀπορροον* quod in se redeat, & refluat. Legatur Strabo lib. 1. ubi id fusè probatur. Dixi *antiqua rei literariæ lumina*. Scio enim Ptolemæum, & eius asseclam Marcianum Heracleotem hanc maris *ἀπορροια* vehementer improbasse. Herodotus autem in Melpomene saltem eâ de re dubitavit.

Iam verò Mare hoc in genere diuiditur in *Exterius*, & *Interius*. De Interiori agemus cap. 3. *Exterius* ita dictum est quod *extra* columnas Herculis extenderetur; & propriè dicitur *Oceanus* à voce *ὠκός* quòd reciprocationibus cōcitatissimè feratur vt vult Polyh. cap. 26. vel à voce *Κυάρεος*, vt ait Isidor. quam tamen malè vertit *purpureus*, cùm *ceruleus* exponere debuisset. Dicitur & *Atlanticum* & *Magnum*, ait Suidas, de quibus nominibus mox agemus. *Oceanus* autem ille, in quatuor partes ab omnibus antiquis dispescitur: quâ spectat *Ortum* vocatur *Eous*; quâ *Occidentem*, *Occidentalis*; ad *Boream*, *Septentrionalis*; ad *Meridiem*, *Australis*: de quibus agendum nobis singularim.

CAPVT I.

De Oceano Eoo, Australi, & Occidentali.

§. 1. *De Eoo.*

EOVVS seu ORIENTALIS à voce *ὠός* nomen habet. Malè Dionysio Afro *Indicum* mare appellatur, quantumlibet eum excusare nitatur eius interpret Eustathius, nisi Sinas cum Indis confundere velimus. Apud Solinum cap. 26. fit mentio Oceani

N ij

MARE EXTERIVS SEV OCEANVS, LE GRAND OCEAN, SECVNDVM ANTIQVOS ATLANTICVS.

E O V S } Eovs : ab Oriente sic dictus, partie de la mer de la Chine; Archipel de S. Lazare & l'Anchidol.
 la mer du }
 Leuant. } S E R I C V S : à Seribus populis nomen accepit, partie de la mer de la Chine.

OCCIDENTALIS, la mer Occidentale, ou du Ponant, & l'Ocean Ethiopique du costé d'Occident.

SEP- TEN- TRI- O- NA- LIS.	BRI- TAN- NI- CVS.	CALLAICVS à Callæcis, ceux de Gallice : partie de la coste de Biscaye.
		CANTABRICVS, à Cantabris, ceux de Biscaye: partie de la coste de Biscaye.
		AQVITANICVS, la coste de Guienne.
		VIRGINIVS, partie du Canal de S. George, ou de Farisi, vulgò, Mor Veridh.
		BRITANNICVS, la mer Britannique, ou la Mâche.
		GERMANICVS, aliter MORIMARVSA, la mer d'Allemagne, ou Germanique.
ARC- TOVM MARE.		HIBERNICVS, partie du Canal de S. George, ou de Farisi, vulgò Mor Veridh.
		DEVCALEDONIVS, The Deucalidon, la mer Caledonienne.
		ALMACHIVM, seu SCYTHICVM, la mer des Tartares, ou de Tabin.
AVSTRALIS, la mer Australe, quibusdam la mer des Indes.	ERYTHRÆVS	CHRONIVM, seu SARMATICVM, Niarenmore : & Peizorke : & Mirmanskou.
		PIGRVM, vbi Thule, partie de la mer Caledonienne.
		INDICVS, la mer des Indes.
		ARABICVS SINVS, la mer de la Mecque.
		PERSICVS SINVS, le Golphe Elcatif.
		ARABICVM MARE, coste d'Arabie.
		ÆTHIOPICVS, l'Ocean Ethiopique du costé d'Oriēt.



VETVS
OCEANI
DIVISIO

OCCIDENTALIS-SEV ATLANTICVS -
- ET HESPERIVS.

AFRICA INTERIOR.
LIBYA
MARE INTERNVM
ASIA
EVROPA
OCEANVS SEPTENTRIONALIS
OCEANVS AVSTRALIS
OCCIDENTALIS-SEV ATLANTICVS -
- ET HESPERIVS.

OCEANVS ETHIOPICVS
OCEANVS AVSTRALIS
ETHIOPICVS
MARE INTERNVM

ATLANTICVS -
OCEANVS
PARTES MARIS
SEPTENTRIONALIS
MARE INTERNVM

SERICI, vbi etiam ab Eoo distinguitur; sed fortè vt species à genere. Itaque pars Oceani Orientalis versus Boream dicta est *Oceanus Sericus*, pars Meridionalis nomen generis retinuit.

§. 2. De Oceano Australi.

GRÆCIS Νότιος nuncupatur & Μεσημβρινή θάλασσα, item & *Indicum Mare* à plerisque veterum; sed tum pars pro toto vsurpatur: nam diuiditur in mare *Indicum*, *Erythraeum*, & *Aethiopicum*.

INDICVM dicitur mare ad fauces vsque Sinus Persici, & nomen habet ab *Indis* populis, licèt & alias gentes Imperij Persici alluat.

ERYTHRÆVM mare, seu RVBRVM porrigitur à finibus *Carmanix*, ad *Frassum* vsque Promontorium, iuxta Ptolemæum, qui *Aethiopicum* non agnouit; meliùs ad *Aromata* pro. le *Cap de Guardafu*. Diuiditurque in tres partes apud Plinium lib. 6. cap. 24. in duas effusiones seu Sinus *Persicum*, & *Arabicum*, quem Eustathius *Aethiopicum* nominat, & mare vtrumque committens quod *Azanius Oceanus* dicitur, apud Scriptores vitæ Alexandri *Arabicus*. Quidam tamen existimant *Azanium Oceanum* complecti simul *Aethiopicum* & *Erythraeum*, quod non ausim improbare. Dicitur autem *Erythraeum* vel *Rubrum*: *Primò* à colore apparente qui à sole existit, vt vult Strabo; vel à reflexione montium combustorum vt credit Eustathius. *Secundò* à fonte miniato qui in hoc mare cadit; ita Ctesias Gnidius apud Strabonem. *Tertiò* ab *Erythra* homine Persa, cuius auspiciis in insulas huius maris Colonix deductæ sunt, sic Agatharcides. *Quartò* ab *Erythra* Persei filio qui in Ogyri insula regnavit, vt ait Plinius. *Quintò* ab arenis flauis; *Sextò* à pluuiis decurrentibus ex montibus quos adurit Sol; quarum opinio- num meminere Plinius, & Eustathius.

ÆTHIOPICVS cuius meminere Dionysius, & Solinus, apud quem tamen perperam nominatur *Ægyptius* cap. 26. pars νοτιὰς θάλασσης ab Eustathio nuncupatur.

§. 3. De Oceano Occidentali.

DICITVR aliter *Atlanticus* ab Atlante monte Mauritanix: